

古尊宿語錄卷第三十一

多七

僧錄司右闡教義鍾山靈谷禪寺住持 淨戒重授

龍門佛眼禪師語錄之三

上堂龍門老自云作麼復問你畢竟是誰對
曰是你復云你夏中做得個什麼事對云難
說向你祇恐你落在見聞又曰但說無妨師

多七

乃提出拄杖曰有見有聞是凡夫無見無聞
是二乘有人識得否良久曰鴛鴦繡了從君
看不把金針度與人參 撥田劄子至上
堂謝恩畢舉百丈和尚謂衆曰你等爲我開
田我與你說一段大義衆開田了請師說大
義百丈起來展手舒伸大衆古人得恁麼徑

永樂北藏

古尊宿語錄

截還會他恁麼方便處麼百丈說大義辛懃
事可知龍門無道理大衆絕狐疑 帝力
乾坤重 君恩雨露垂有大相借問雲外
略揚眉爲什麼揚眉良久曰万古長春
上堂鼓聲纔動法義已周大衆上來尋光而
至山野高提祖印諸人共息狐疑直須倒岳
傾湫切莫尋枝摘葉所以道者裏聚集爲你
僧堂裏底者裏聚集爲你寮舍裏底會得麼
好於處處衆知識休用從前解會禪 上
堂云南閬淨提人就中多鬧亂無想四禪天
根性最遲緩遲速不同倫染淨難回換兩個
五伯文元來是一貫貫貫啞子拍手高聲喚

第一九八冊

聾人聽得伴不管天明日出是夜半智者大師譚止觀大衆此理如何良久云看極越請上堂舉端師翁住圓通日揚次公郭功甫每往參問此道後來往復淮南常求法要一日功甫訪之白雲師翁遂上堂曰前來蒙次公大儒訪及爲上堂曾舉一遍今日功甫到來不可隱覆更爲舉一遍此語甚是奇特乃曰上大人丘乙巳化三千七十七士尔小生八九子佳作仁可知礼也遂下座大衆言雖麓淺理實甚深若不會上大人如何登孔聖門通曉六經子史百氏詩書縱使身名顯達不曉上大人如何佐國安邦使功成身退至

於百工伎藝負販庸人孩稚小童無上大人如何成就就能事山林河海日月星辰上聖下凡無上大人不能安立大衆好上大人還會磨孔門弟子如能識折桂登科第一人下座上堂三平禪師道秋此見聞非見聞師云於土爲香更無声色可呈君師云人思舊念箇中若了無餘事師召大衆曰立處孤危體用無妨分不分師云巡堂看取下座衆巡堂了復謂衆曰有人會得麼又曰會得麼衆無對師曰癡漢癡漢黃龍山死心和尚遺書至上堂死心心已死心死死由生拘折黃龍角翻身卧地行者老子從來翻着欄杆倒携

席帽口頭麤糙肚裏柔和點檢叢林呵叱學者雖傳晦堂道愛用雲門禪以罵風罵雨爲訓徒以種菜種蔬爲作務興災降禍少喜多嗔愚人見即攢眉智者點頭相許要去便去果然作家騰身元是莫徠人睡中失却死心老嗚呼哀哉法門不幸 上堂虛名虛相

谷音鑑像弃而不修豈明幻妄少不努力老矣惆悵靜以思之隨機稱量古德云譬如百歲老兒作歌舞豈是小兒戲大衆會他恁麼道麼百歲老兒作歌舞側首低眉聽節鼓心中聽拍雖了然手脚來遲轉辛苦乃起身作舞云會麼老作必難下座 上堂眉毛眼

曉景相親鼻孔唇皮作近隣至近因何不相見都緣一體是全身 上堂提拄杖卓一下乃顧視曰拄杖子拄杖子你無住持干懷又無病痛苦惱如此黑瘦何也拈拄杖呵呵大笑曰是何言也若色見聲求是行邪道昔臨濟德山由之發明見諦後來明眼尊宿由之接物度人豈不見黃蘗普請次蘗謂臨濟曰我最得者拄杖氣力臨濟近前奪下拄杖推倒黃蘗黃蘗遂曰扶起我來扶起我來時有一僧近前扶起曰和尚爭容得者風顛漢恁地無禮蘗却打其僧數下臨濟乃曰蒼天蒼天大衆當時拄杖子如今却在龍門手裏

多七

三

乃提起召大衆曰還有臨濟手段底麼出來
出來龍門却是放得下遊拋下拄杖放身便
倒曰有扶得者出來良久曰既無臨濟之人
又無扶起之者龍門自起自倒有甚用處歸
堂去下座 甘露和尚入山上堂達磨不
來唐土地久天長二祖不往西天山青水綠
龍吟霧起虎嘯風生秋雨垂空浮雲蔽日諸
人有眼還見麼有耳還聞麼既具見聞何者
是迷何者是悟何物爲緣何物爲對要知迷
悟昇沉理畢竟須還本分師先佛道身相屬
四大心性歸六塵四大體各離誰爲和合者
大衆身心既乃如此現今復是何物近來叅

學之人盡皆奔馳語句舉論古今於本分事
全不明了所以正宗淡薄道法澆漓幸遇和
尚到來伏望震潮音示真旨扶重膜顯衣珠
四衆傾誠不勝虔請 黃龍靈源和尚遺
書至上堂昔開正續銘今示真歸告一路涅槃
門行說皆親到明然林際燈妙唱黃龍道
空海久澄虛雲濤方浩浩橫吞巨海高駕鐵
船隱顯同源卷舒無際者其唯靈源乎禪師
居究竟地住本覺場雖曰示生實無生而可
示雖曰示滅實無滅而可示明明密密密密
明明真化不移何妨出沒所以遺言作訓真
告普聞能事始終一期云畢而某叢歲遊方

之始邂逅能舒許以半面之交氣投分感雖
則荆山隱玉已遇良知尔後蚌腹剖珠登舟
獲旬歐峯再會素願允諧歡洽妙期有同符
節自初及此三十年間理契同風至音無間
夫何遽別特示遺書感存念亡此情弥切雖
然如是佛佛不思議不許長住世大衆審思
多七
惟畢竟祇者是然則予期既没伯牙絕絃蓋
傷其無知音尔况此至道離見起情莫逆于
心夫何言也昔人問長沙南泉遷化向什麼
處去沙云石頭作沙弥時參見六祖云不問
石頭作沙弥時參見六祖南泉遷化向什麼
處去沙云教伊尋思去師乃呵呵笑曰會麼

會麼水長船高泥多佛大共至靈前不勞觀
聽 蔣山佛鑑和尚遺書至上堂惡惡師
兄師兄出在我前去復我先惡惡師兄師兄
出在我前許我並駕而齊肩去復我先使我
雙翼而孤鶩豈不念茲苦海羣迷未度泥乃
五湖玄學負笈超躔遽辭舟楫執濟長川然
佛法道理自有因緣此蓋衆生無祐薄福使
然求遠叢社法炬無傳我聞如來雙林示滅
又聞達磨隻履西遷佛祖祖其道綿綿况
我鍾山佛鑑法兄妙機無間出沒應緣去來
生死吾何預焉而某於師門最爲深契在惡
序手足相連義交金石氣薄雲天聽遺音而

何忍念朽質以非堅同心共照夫復何言尚
記得如來滅度阿難問迦葉曰世尊傳金襴
外更傳何法迦葉曰阿難阿難應喏迦葉曰
倒却門前刹竿著大衆若無者個公案生死
熾然白雲師翁道金襴之外復何傳弟應兄
呼豈偶然倒却門前刹竿著免教依舊倚牆

多七

五

邊大衆會得麼倚牆邊倚牆邊寂滅光中禮
白蓮 上堂達磨大師所傳心印看看掃
地盡也如今還有人見達磨大師麼若見得
方解承當若見未得切忌認著所以正宗淡
泊異道崢嶸昔日王常侍熱睦州一日州問
曰今日何故入院遲侍曰爲看馬打毬所以

來遲州曰人打毬馬打毬侍曰人打毬州曰
人困麼侍曰困馬困麼侍曰困州曰露柱困
麼侍曰然無對歸至私第中夜間忽然省得
明日見州云某會得昨日事也州曰露柱困
麼侍曰困州遂許之此是達磨大師宗旨露
柱不解打毬如何却困還有明得者麼人困
馬困未是困露柱之困始是困好於言下證
無生莫向言中尋尺寸百丈若無雙耳聾臨
濟爭解領三頓盡將業識作流傳此道今人
棄如糞久立 上堂昔有使頭使下二人
一時奉事觀音一日使下偷使頭錢走使頭
燒香禱告觀音願我捉得使下使下亦燒香

禱告觀音願使頭不見我當此之際觀音救誰即是祇救使頭又違使下祇救使下又違使頭若一時撙救事甚相違山南辯和尚道若要行大道三步作一跳大衆好語祇恐人鹿心子細究之又却分疎不出山僧爲你一分剖看若人要會先須識取觀音要識觀音麼大慈悲心是更須知大慈悲心從甚處流出現今歷歷聽法者無心而流出萬宗若識得了使頭方解作得使頭非唯作得使頭亦乃識得使下此使下是使頭底使下離使頭外別無使下若識得觀音了使下方解作得使下非但作得使下亦乃識得使頭此使

頭是使下底使頭離使下外別無使頭若恁麼使頭使下但是空名使下使頭悉皆無寄大慈悲心熾然獨脫也既識得使頭又識得使下更須識得錢帛使頭見之是使頭錢帛使下見之是使下錢帛離使頭使下外別無有錢帛亦須知使頭錢帛自不干使下事使下錢帛亦不干使頭事各不相到雖不相到使頭錢帛即是使下錢帛使下錢帛即是使頭錢帛同一物耳若恁麼既同若恁麼既異皆大慈悲心之作用也即知得錢帛又須明取得失使頭失財時是使頭失使下得財時是使下得得失不在別人分上如此則使頭

多七

六

失時是使下得時使下得時是使頭失時得
失雖殊而不異得失各異而常同豈別有一
物作同作異也若使頭若使下若錢帛若得
失一一明了方名觀自在菩薩古人云得失
是非諸佛智一人無心眼耳聾 上堂云
西瞿耶尼打鼓南贍部洲上堂大衆十方齊
至等閑野客稱揚此声徧滿十方照破閻見
色香堪笑釋迦老子等閑動地放光大衆歸
堂 徐公大夫入山上堂何處求通達疑
根自不凡頓明心即佛陡覺海非鹹善財捷
閣路日進丹霄步凡夫云未然我道常披露
大衆譬如自面豈辨鬚眉又如眼根不自見

眼面若有見即非本頭若見眼根眼即同境
所以石鞏自射無下手處乃證全身龐公問
心一口吸盡遂得真實此所謂大丈夫之事
業也不見道大丈夫秉慧劍般若鋒兮金剛
焰非但能摧外道心早曾落却天魔膽莫不
是了見本來面目證得清淨法眼故得稱爲
大丈夫也此日伏蒙 提宮大夫朝旂入
山光臨泉石頃者山野輒効先德開法施場
住持此山數年之間傍資修換爲禪者遊心
之地工役既畢輒以土木之功干于視聽顯
得雄偉之文以彰不朽爲來者之益伏蒙惠
示莫大之幸山僧雖不曉義理觀此嘉作近

世所稀豈此邦此山之幸亦天下叢林之幸甚也昔向居士木食澗飲以所悟布之文字求二祖大師印證曰影由形起響逐聲來弄影勞形不識形爲影本揚聲止響不知聲是響根除煩惱而趣涅槃喻去形而覓影離衆生而求佛果喻默聲而尋響當知得無所得失無所失未及造謁聊伸此意伏望荅之二祖大師荅曰備觀來意皆如實真幽之理竟不殊本迷摩尼謂无礙豁然自覺是真珠無明智慧等無異當知萬法悉皆如愍此二見之徒輩伸詞措筆作斯書觀身與佛不差別何須更覓彼無余居士得偈欣然奉持諸人

者古人悟心布之文字實是希有還見二祖大師與居士所證所得之事麼良久云浩劫有窮斯文不泯久立 上堂不起踈慵不進修實無言說實無求奪飢人口中之食驅耕夫手裏之牛真快活百無憂自是不歸歸便得五湖風浪拍天流 陳與明還佛頂

心經願請上堂掩齒臨掩齒臨掩部臨掩部臨大眾此是甚麼言語義理如何還有人會得麼若道是言語又不成言語若道有道理又不成道理可謂言詮不到分別不及先聖呼爲密語又曰真言一切言音從是而生一切語教從是而出山僧過來看經中得七字

陀羅尼能滅千災成就萬德今對諸人舉此
七字陀羅尼一徧諸人諦聽遂默然屈第一
指至第七指曰諸人聞得麼諸人不聞更
舉一徧又默然屈一指至七指曰聞得麼大
眾唯佛與佛乃能知之自餘羣生悉皆罔措
有方便門名曰重說偈言今更再三分明說
此七字呪曰佛頂心經齋願了大眾曉得其
中旨趣麼待山僧奉為解釋一字字要知落
處若論佛祇是當人更無物若論頂晝夜舒
光照前境若論心看時無相用時深若論經
解語能言不是聲若論齋所為所作盡和諧
若論願猶如身在龍門院若論了無慮無疑

心皎皎心皎皎增添福壽災殃少論量功德
廣難思須彌未大滄溟小山僧適來說者是
真言世人祇知有言不知有真若不知真所
言皆妄何者名為真言能出萬宗故曰真言
亦名三昧王亦名萬字頂亦名微妙章句亦
名祕密大揔持至心受持大有靈驗所謂山
僧七字呪也乃屈指曰一二三四五六七諷
誦受持皆祕密如人親入寶山中一切珍奇
從此出久立上堂道可學耶實不可學
心可悟耶實不可悟不學不悟真機全露明
月娑婆浮生旦暮眼若不睡諸夢除古今出
入無門戶逆召大眾曰是什麼上堂山僧

略陞此座大眾永息紛疑各各金毛師子去
來哮吼全威臨際高聲連喝德山拈棒痛槌
縱有一言半句終不別作路岐大眾抖擻精
神着瞋睡作麼是甚生次第事你自鈍置山
僧恁麼道要人到不要人到試點檢看
上堂舉洞山和尚示衆曰兄弟初秋夏末或
東去西去直須向万里無寸草處去始得又
曰祇如万里無寸草處作麼生去石霜聞之
乃曰出門便是草僧舉似洞山洞山曰大唐
國內能有幾人師曰出門便是草閑殺龍門
老北去礼文殊南來登五老鬢髮已蒼浪言
歸恨不早獨立秋風前相思望江島好好不

用更尋討 上堂什麼物恁麼來休將明
鏡挂高臺什麼物恁麼去分明不用當頭舉
舉得分明得更難澄潭不許蒼龍盤便恁會
太無端遂拍手呵呵大笑云華藏毗盧世界
寬 上堂好一隊其中人還見其中事麼
若是其中人必見其中事也良久呵呵大笑
曰會麼苟不然者雖有其中事元來不是其
中人縱是其中人元來不了其中事了得其
中事作得其中人復何憂哉不見鴻山曰有
句無句如藤倚樹時有人問樹倒藤枯時如
何鴻山呵呵大笑又有乾峯示衆曰法身有
三種病二種光一一透得始解穩坐雲門出

衆而問曰庵內人何故不見庵外事乾峯呵
呵大笑大衆有人或問道此二老宿意旨如
何龍門拍手呵呵而笑良久曰你諸人何不
與我放下布袋解開肚皮笑一声子上堂釋
迦世尊已成正覺弥勒勒大士當來下生老盧
拈過嶺南達磨携來東土各謂度生已畢我

願云周如何六道四生猶在土石諸山未殞
淨妙國土不逢爲是願力未充爲是業果難
盡爲復別有道理還有人斷得麼若不同床
睡焉知被底穿歸堂喫茶去 上堂空生
不解當中坐春暖桃花樹樹紅漏泄天機無
覓處都緣露柱挂燈籠燈籠却却有古風

露柱露柱善解提舉一旦師姑是女兒大悟
堂中喫茶去 上堂心是根法是塵而種
猶如鏡上痕痕垢盡時光始現心法雙亡性
即真根塵既謝鏡光現前心法雙亡如何則
是赤龍離身無妄想眼聞耳見離攀緣
上堂迎日出門去已覺披煙霧冒月望山歸

多七

十

重露濕禪衣心悄悄步遲遲無孔笛再三吹
哩哩懍懍懍哩遊子乍聞征袖濕佳人猶唱
翠眉低君更聽莫孫疑是何曲歸堂去上堂
真實到家之士何暇論家決定證得之人寧
標所證論家論證乃問問負販之徒無證無
家誠飄露伶俜之子何不興決烈之志啓特

達之懷舉措看他上流勿謾隨於庸鄙一一
從自己胃中流出與我蓋天蓋地去始得揔
似你恁麼參學驢年去 上堂海門山長
安道茫茫煙水連芳草樓頭客馬上郎一聽
落梅悲故鄉春風過眼花飛盡蝴蝶翩翩過
短牆君更聽是何章會不得參堂去

政和八年九月奉勅住和州褒禪上堂謝恩
畢僧問千里遠聞音信好不涉程途事若何
師云不挂三寸進云一輪明月當空照萬里
清風宇宙寬師云却有商量進云路上忽遇
禪人問時如何師云有甚難答進云雲離谷
口千山秀月到天心四海明師云誰是恁麼

入師復云大衆現前豈不是舒州龍門山適
來勅旨豈不是和州褒禪寺令山僧往彼傳
法住持且何者是傳底法要知佛法旨趣麼
不離龍門山要見褒禪寺不離褒禪寺要見
龍門山龍門山則易見褒禪寺即難見有人
見得褒禪寺麼若明得便有佛法旨趣若也
多七
未明良久曰帝力丘山重君恩宇宙寬不才
何以報處處得心安久立到褒禪入方丈師
據座云昔定明禪師燕坐此峯住大三昧悲
濟弘誓澤及一方山僧忝繼先蹤續明後焰
十方坐斷祖令當行鳴鼓望堂各須諦聽
上堂聖皇帝賜與名山賢宰臣宣行睿旨俾

令貧道傳法住持衆中還有荷擔重任者麼
試出衆道看僧問古人道權借一問以爲影
草未審此理如何師云子是何心行進云可
謂手執夜明符幾個知天曉師云曾問幾人
來進云到者衆多少人錯會師云關梨又作
麼生進云三十年後有人會去師云猶較些
子僧問一塵纔起大地全收時如何師云兩
塵也進云恁麼則無邊刹境自他不隔於毫
端十世古今始終不離於當念師云舍山縣
裏事作麼生見得進云山河及大地全露法
王身師云者個關梨却好商量師復云龍蛇
易辨衲子難瞞辨別得否山僧未來此間時

是山法席久虛叢林不振當此之時還知定
明禪師是汝諸人善知識麼山僧既來此間
法席初開叢林復建亦定明禪師是汝諸人
善知識所以道有佛無佛性相當住若解恁
麼看得吾道有光矣昔日有一貧尊宿衆集
定起來作舞曰諸人會此意否諸人無對宿
曰山僧不捨道法而現凡夫事師乃呵呵笑
曰奇怪若是褒禪即不然乃起作舞告衆曰
諸人會我意否良久云清貧長樂下座
上堂褒禪住太乾枯月白風清入畫圖人
問縱有千般樂不及今朝事事無乃呵呵大
笑好大哥 上堂雲中石塔摩星斗定明

禪師大張口是你之言若解紫不必著包天下走遂卓拄杖一下曰鳥對初陽自在啼天逢生漢連聲吼又卓拄杖一下云歸堂上堂祇知今日明朝不覺今朝明日事事一似安排箭箭自然中的甜者甜於黃連苦者苦過白蜜喫得者般滋味乃以手作舞曰不妨遑遑哩哩下座多七正月一日上堂以拄杖劃一劃云天得一斗牛女虛危室畢地得一草木山河井土石君得一上下四維無等匹召大眾曰万像森羅影現中一顆圓明光的歷有歡榮有愁戚或冤親或順逆富且貴窮且乞万樣千般誰運爲空谷之聲隨應出

鴛鴦繡了任君看不露金針太綿密褒禪奉勸各回頭莫待臨行却啾唧識取摩訶般若光萬古悠悠是今日久立上堂如來無二種語諸人如何會如來語作麼生是二種語須明取始得一離間語二和合語無此二者是名如來語何名離間語能聽法者雖顯樂聽受而所說法者不爲開示是名離間語能說法者雖樂開示而聽法者不樂聽受是名離間語雖說無有能說可說雖聽無有能聽可聽得如此者方名和合語當觀此離間語和合語一耶二耶同耶異耶如是證知捨離間語當得和合語而如來無此二語者不

說不聽而已然不說不聽亦有二事一凡夫二聖智正如凡夫無所開示無所聽受冥然莫覺故曰無明亦名爲無說無聽二聖智所到到其無說無聽亡賓主絕行解自居究竟實地亦名無說無聽學者當善分別勿生異見不可瞞頂不分

上堂舉趙州和尚一

多七

十三

日趙王來不下禪床曰會麼王曰不會州曰自小持齋身已老見人無力下禪床騰騰和尚朝見則天仰視則天曰會麼天曰不會騰騰曰山僧持不語戒忠國師見肅宗帝以手指頭帽子曰會麼帝曰不會國師曰天寒莫怪不下帽子大衆明得三人意旨麼譬如寶

舟到岸獲大富而濟有餘玉戶抽關什于堂而入手室猶在門外無柰不入之何困守孤貧豈是珠寶之咎還會麼卞和刖足歸堂上堂面前過便知是張三李四背後過爲什麼却不見壁者邊便見是條臺倚子壁那下爲什麼分疎不得咫尺之間尚尔况十方世界耶叅學人若不明當知叅學事卒未任光陰迅速入寺來早已九十日諸郡發心化士且寬懷打疊遂拈拄杖曰東西南北四方人地闊天遙最是親衛岳天台連魏闕乃彈指一下曰輕輕彈指不勞神復拈拄杖曰山河大地日月星辰草木叢林盡在拄杖頭上還

見麼良久曰腰纏十萬貫騎鶴上揚州久立
上堂趙州有喫粥因緣好一則因緣者僧當
下悟去會得麼你拈動鉢盂起筋時便不會
古人意了也祖師有風幡話你諸人十二時
中爲什麼一似大蟲看水磨相似國師有無
情說法據你諸人合明得爲什麼却不聞若
一一明得便是有地頭底禪和子歸堂
祈雨上堂定明妙應禪師說法如雲如雨不
是時人不聞又非不善其語如斯一味靈通
過了幾多寒暑縱逢敗種焦芽方便一時救
取知府曾公舍人入山祈雨上堂舉劉禹端
公問雲居雨從何來對云從端公問處來師

云雨從何來不須尋討徧滿虛空拔濟枯槁
定明妙應靈通知府舍人台造真個是爲雨
爲霖莫不爲忻爲好且問諸人是定明雨舍
人雨百姓雨定當得麼良久卓拄杖一下云
三下座 上堂卓拄杖一下云大衆你諸
人昨夜爲什麼一時在露柱裏藏身及乎天
既明喫粥了上來聽衆爲什麼却在欄干上
立地見麼直饒如此通神變更問起雲塔裏
師上堂抵死要行雲水脚剛然求悟本來心
爲蛇盡足勞筋骨辜負青山綠水深豈不見
德山老子向你道未踏船舷時好與三十棒
也諸人也着些子精彩着飯袋子也好與三

十棒遂卓拄杖一下下座

退褒禪上堂

一去一來松上鶴半開半合嶺頭雲捲筇獨

立千峯外唯把南山祝

聖君知府錢公

奏請再住褒禪上堂大衆君命重宣降薜蘿

不容靜處薩婆訶欄衫席帽寒酸甚又向人

前唱哩囉哩囉拍一拍哩囉又拍一拍云去

年梅今歲柳顏色馨香依舊人漸老水長流

無心道合頭下座

上堂舉蓮花峯庵主

拈拄杖示衆云古人到者裏爲甚麼不肯住

自云爲他途路不得力如是二十年無人會

得此語後有老宿聞舉云是即是少進語在

有僧問如何進語宿云但問畢竟如何僧持

此語問庵主主曰柳栗橫擔不顧人却入千

峯万峯去師橫按拄杖於肩上高聲喚云和

尚和尚又云闍國人追不再來千古萬古空

相憶上堂舉嚴陽尊者問趙州一物不

將來時如何州云放下着尊者當下大悟師

云好大衆還見得悟處麼盡力放下着力

多

十五

檐不起將謂一物無元是自家底見得自家

底心中大歡喜自茲家業與一舉九万里

臘月初一上堂僧問万法是心光諸緣唯性

晚尽大地是色那個是心師云不要瞞老僧

進云尽大地是心那個是色師云闍梨念來

多少時進云祇如色心二字如何透得師云

秘知渡水不竟腰深進云彼此沒便宜師云
一任咱啄師復云一年止有此三十日二陽
發生之月李般若者與汝道情相應否今有
二問問諸人一間問肯者一間問不肯者先
問肯者曰你恁麼來多少時也你須道多時
也問你既多時所對目前声色與你爲惱害
否若與你爲惱害上座未恁麼在若不與你
爲惱害是照見了然後不爲惱害不用照見
了不爲惱害若用照見了方見不爲惱害即
名照見心未名恁麼在若不用照見心如何
知得無惱害據作此見了我問頭不得第二
問不肯者云你不恁麼來得多少時也師大

笑云好一間你出家沙門作佛弟子含齒戴
髮巍巍堂堂如何却不恁麼得何異俗人直
說你真個不恁麼也則因恁麼然後有不恁
麼在據此見亦了我問不得不見石頭大師
道恁麼也不得不恁麼也不得恁麼不恁麼
認不得尚有人描不得被馬大師道我有時
揚眉瞬目有時不揚眉瞬目有時揚眉瞬目
者是有時揚眉瞬目者不是他便會去師良
久曰還知麼泥多佛大水長船高下座
上堂未達境惟心起種種分別達境唯心已
分別即不生分別既不生便捨外塵相乃拈
拄杖示衆云不可不喚作拄杖子也且作麼

生說捨底道理有人於此云喚什麼作拄杖子便違他古佛道不壞假名而談實相又道更有什麼拄杖子也則世間万法不成安立又道依舊喚作拄杖子則一切凡夫莫不幸甚也大衆到者裏如何即是須信道雲中石塔不是人間檻外雲山非由心變風摩兩掃

多

十六

日照煙蒙妙用縱橫隱顯一際自可以幽栖馬道開豁曾懷妙契真規十方洞照直得如此更須知有衲僧孔竅始得如何是衲僧孔竅咄卓拄杖下座上堂舉瀉山和尚坐次見仰山從方丈前過瀉山云若是百丈先師子須喫痛杖始得仰山云今日事作麼生

瀉云合取兩片皮有分云此恩難報瀉云瀉山年邁非子不才仰云今日親見百丈師翁瀉云子向什麼句中見先師仰云不道見祇是無別瀉云始終作家師云從上來至百丈有不犯之令瀉山深得其肯能向劔刃上行仰山飲氣扶持且不犯鋒傷手有般漢祇管行棒下喝還明他不犯之令麼不見道始終作家諸人每日來去什麼處得見百丈上堂暫時歛念是處是慈氏門門有善財介尔有心土石山河瓦礫荆棘大報作聖作凡能染能淨有如是威神具如是妙用直得恁麼曹溪門下客見時猶未是少林消息祇如少林

消息你曹溪門下客合作麼生下座
上堂舉先師在白雲會中作磨頭一日端師
翁下來曰你還知一件事麼先師曰不知師
翁曰近有數禪客自廬山來問佗皆有悟入
處教伊說亦說得有來由舉因緣向伊亦明
得教下語亦下得端師翁良久謂先師曰磨
頭^{多七}我^{十七}是未在你道如何先師聞了心下不安
得七日七夜不成腸肚正中心下乃自思惟
曰既悟了說亦說得明亦明得如何却未在
忽然中夜方會得從前寶惜一時放下遂白
端師翁師翁起來手舞足蹈某曾侍奉先師
聞先師舉此因緣謂某曰參學須是一時放

下方得安樂大衆還見得否故得下好脫洒
放不下牛拽把堪笑諸方老古雖打鼓說禪
無尾掃無尾掃不驚怕不驚怕可嗟訝解踏
毗廬頂上行不言亦自傳天下好大哥
上堂舉百丈大智禪師謂衆曰併却咽喉唇
吻道將一句來瀉山云却請和尚道五峯云
和尚也須併却雲嵒云和尚有也未師云此
是叢林中流布底事雪竇禪師後來品評此
三人語各有淺深却請和尚道虎頭生角出
荒草和尚也併却龍蛇陣上看謀略和尚有
也未金毛師子不踏地如今衆中或去請益
或去過話有人道此三句語未契得百丈喚

作抑而不揚却請和尚道百丈云不辭向汝道恐已後喪我兒孫此豈不是抑而不揚和尚也須併却百丈云無人處斫額望汝何處是有肯他也則是抑而不揚和尚有也未百丈云喪我兒孫更是不肯也祇如百丈道併却咽喉唇吻道將一句來甚生次第事既併却咽喉唇吻明箇什麼邊事也好扶持取下座

呵大笑云諸人還會得麼聽取一頌歸根得旨復何論洞口秦人半掩門花落已隨流水遠空留葉葉野雲也到蔣山上堂玄沙白紙費封題一聽雷音万仞低慰釋私懷已無量那堪更唱邏羅哩乃呵呵大笑曰古人道笑須三十年誠哉此語某頃在白雲時與
多七
堂上佛果師兄道聚其樂無涯至今樂猶未已也又呵呵大笑云一手不獨拍兩手鳴擗擗舉意趁情念相若同路陌摩雲鍾阜高徧界烏輪赫妙機連雷電神珠不在額珍重人天大導師衲僧一見喪魂魄何也誰敢正眼覷着下座

樂

古尊宿語錄卷第三十一

英

多七

永樂北藏

古尊宿語錄

第一九八冊

永樂北藏

古尊宿語錄

第一九八冊